

## ДАСТЛАБКИ ЭШИТУВ ИНСТИТУТИ НАЗАРИЯ ВА АМАЛИЁТ

<https://doi.org/10.5281/zenodo.7516392>



ELSEVIER



Received: 08-01-2023

Accepted: 09-01-2023


Published: 22-01-2023

С.Н.Эсаналиев

Андижон вилоят прокуратураси

11.1 бўлим прокурори

2-даражали юрист



**Abstract:** Мақолада жиноят суд ишларини юритишда дастлабки эшиитув институти, унинг хукукий тавсифи ва у билан боғлиқ ижтимоий муносабатлар ахамияти таҳдил этилган. Таҳдил якунидаги амалиёти ва ушбу соҳани такомиллаштиришга оид тақлифлар ишлаб чиқилган.

**Keywords:** дастлабки эшиитув, суд ажрими, судья, прокурор.

**About:** FARS Publishers has been established with the aim of spreading quality scientific information to the research community throughout the universe. Open Access process eliminates the barriers associated with the older publication models, thus matching up with the rapidity of the twenty-first century.



Received: 08-01-2023

Accepted: 09-01-2023

Published: 22-01-2023

**Abstract:** В статье анализируется значение института предварительного слушания, его правовая характеристика и связанные с ним общественные отношения при ведении уголовного судопроизводства. По завершению анализа были выработаны предложения по совершенствованию зарубежной практики в данной области.

**Keywords:** предварительное слушание, решение суда, судья, прокурор..

**About:** FARS Publishers has been established with the aim of spreading quality scientific information to the research community throughout the universe. Open Access process eliminates the barriers associated with the older publication models, thus matching up with the rapidity of the twenty-first century.



Received: 08-01-2023

Accepted: 09-01-2023

Published: 22-01-2023

**Abstract:** The article analyzes the importance of the institution of preliminary hearing, its legal description and the social relations related to it in the conduct of criminal court proceedings. At the end of the analysis, proposals were developed for the improvement of foreign practice and this field.

**Keywords:** preliminary hearing, court decision, judge, prosecutor.

**About:** FARS Publishers has been established with the aim of spreading quality scientific information to the research community throughout the universe. Open Access process eliminates the barriers associated with the older publication models, thus matching up with the rapidity of the twenty-first century.

Эътироф этиш жоизки, мамлакатимизда фуқароларнинг хуқуqlари, эркинликлари ва қонуний манфаатларини кафолатли ҳимоя қилиш мақсадида қонунчилик базаси халқаро андозаларга мос равиша тақомиллашиб борилмоқда.

Ўзбекистон Республикасининг Конституциясининг 13-моддасига кўра<sup>39</sup>, демократия умуминсоний принципларга асосланиб, унга кўра инсон, унинг

<sup>39</sup> («Халқ сўзи» газетаси, 1992 йил 15 декабрь, 243 (494)-сон; Ўзбекистон Республикаси Олий Кенгашининг Ахборотномаси, 1994 й., 1-сон, 5-модда; Ўзбекистон Республикаси Олий Мажлиснинг Ахборотномаси, 2003 й., 3-4-сон, 27-модда; Ўзбекистон Республикаси Олий Мажлиси палаталарининг Ахборотномаси, 2011 й., 12/1-сон, 343-модда; Ўзбекистон Республикаси қонун хужжатлари тўплами, 2007 й., 15-сон, 152-модда; 2008 й., 52-сон, 510-модда; 2011 й., 16-сон, 159-модда; 2014 й., 16-сон, 176-модда; 2017 й., 14-сон, 213-модда, 22-сон, 406-модда, 35-сон, 914-модда; Қонун хужжатлари маълумотлари миллий базаси, 16.10.2018 й., 03/18/498/2051-сон; Ўзбекистон Республикаси Олий Мажлиси палаталарининг Ахборотномаси, 2019 й., 2-сон, 47-модда, Қонун хужжатлари маълумотлари миллий базаси, 06.03.2019 й., 03/19/527/2706-сон, 05.09.2019 й., 03/19/563/3685-сон; 09.02.2021 й., 03/21/670/0089-сон, 09.02.2021 й., 03/21/671/0093-сон).

ҳаёти, эркинлиги, шаъни, қадр-қиммати ва бошқа дахлсиз ҳуқуқлари олий қадрият ҳисобланади.

Давлат раҳбарининг 14.05.2018 йилдаги “Жиноят ва жиноят-процессуал қонунчилиги тизимини тубдан такомиллаштириш чоратадбирлари тўғрисида”ги қарорида белгиланган вазифалар изчил амалга оширилмоқда. Яъни, жиноят ва жиноят-процессуал қонунчилиги тизимида фуқароларнинг ҳуқуқлари, эркинликлари ва қонуний манфаатларини самарали ҳимоя қилиш, жиноят ишлари бўйича судгача ва суд жараёнида қонунийликни таъминлашга тўсқинлик қилувчи ҳуқуқий бўшликларнинг олдини олиш, тарафларнинг ўзаро тортишув тамойилини таъминлаш мақсадида 18.02.2021 йилда 675-сонли “Ўзбекистон Республикасининг Жиноят ҳамда Жиноят-процессуал кодексларига ўзгартиш ва қўшимчалар киритиш тўғрисида”ги қонунга асосан Жиноят-процессуал кодексига жиноят иши бўйича дастлабки эшитув босқичи жорий этилди.

Дастлабки эшитув институти, унинг қонун ҳужжатлари тизимида тутган ўрни ва амалий аҳамияти ҳақида олимларнинг турлича ёндашувларини кўриш мумкин.

Ҳуқуқшунос Д.С.Довудова(phD)нинг фикрига кўра, Жиноят-процессуал кодексига мувофиқ дастлабки эшитув суд мухокамасига тайёргарлик босқичи бўлиб, мазкур босқичнинг мақсади жиноят ишини ўрганиш, суд мухокамасига тайёргарлик кўриш, дастлабки тергов ва суриштирув давомида жиноят иши бўйича тўпланган материалларнинг сифатига ҳуқуқий баҳо бериш, жиноят ишининг кейинги тақдирини ҳал қилишдан иборатдир<sup>40</sup>.

Ҳуқуқшунос С.М.Рахмонованинг фикрича, дастлабки суд мажлисининг мазмuni жиноят-процессуал қонунида назарда тутилган ва қатъий процессуал шаклда амалга ошириладиган суднинг, шунингдек айблов ва ҳимоя тарафларининг ҳаракатлари тизимиdir<sup>41</sup>.

Олим Н.Н.Ковтуннинг қарашларига кўра, дастлабки суд мажлиси институтини тугалланган дастлабки терговнинг бориши ва натижалари устидан суд назоратининг яқуний шаклиdir<sup>42</sup>.

Олим В.П.Вериннинг фикрича, ушбу босқичнинг асосий мақсади судга дастлабки тергов органлари, прокурорлар томонидан жиноят ва жиноят-

<sup>40</sup> Д.С.Довудова “PRELIMINARY HEARING OF CRIMINAL CASES: FEATURES, ISSUES AND NEED FOR IMPROVEMENT”. International Journal Of Law And Criminology. (ISSN – 2771-2214) VOLUME 02 ISSUE 08 Pages: 19-24.

<sup>41</sup> С.М.Рахмона, “Предварительное слушание дела как форма назначения дела к судебному разбирательству”. Диссертация на соискание ученой степени доктора юридических наук. – Т: 2018 ., -289 ст.

<sup>42</sup> Ковтун Н.Н., Юнусов А.А. Полномочия судьи в стадии назначения судебного заседания существенно «подкорректированы» разъяснениями Пленума // Российский судья. - 2004. - № 9. – С. 10-18.

процессуал қонунчилигининг бузилишига йўл қўйган жиноят ишларининг келиб тушишини истисно қилишдир<sup>43</sup>.

Юкоридагиларга кўра, ҳуқуқшунос Д.С.Довудованинг фикрига қўшилиш мумкин. Яъни дастлабки эшитув - жиноят ишини ўрганиш, суд мухокамасига тайёрғалик кўриш, дастлабки тергов ва суриштирув давомида жиноят иши бўйича тўпланган материалларнинг сифатига баҳо бериш, жиноят ишининг кейинги тақдирини ҳал қилишдан иборатdir.

Ўзбекистон Республикаси ЖПКнинг 405<sup>3</sup>-моддасига кўра<sup>44</sup>, дастлабки эшитув жиноят иши бўйича иш юритишни тўхтатиб туриш, жиноят иши бўйича иш юритишни тугатиш, жиноят ишини айблов далолатномасини, айблов хулосасини ёки тиббий йўсингидаги мажбуров чорасини қўллаш тўғрисидаги қарорни тасдиқлаган прокурорга юбориш, Жиноят-процессуал Кодексда назарда тутилган ҳолларда жиноят ишларини бирлаштириш, номақбул далилларни ишдан чиқариб ташлаш тўғрисида тарафлардан бирининг илтимоси мавжуд бўлса, ушбу далилларни чиқариб ташлаш учун асослар мавжуд бўлган тақдирда ўтказилиши мустаҳкамланган.

Статистик маълумотларга қараганда, АҚШда жиноят ишларининг 96 фоизи айнан ушбу босқичда ҳал этилган бир пайтда, мамлакатимиизда судлар томонидан 2021 йилда дастлабки эшитув институтининг қўлланилиши билан

<sup>43</sup> Практика применения Уголовно-процессуального кодекса Российской Федерации. Практическое пособие /Под ред. В.П. Верина. М.: Юрайт-Издат, 2006. – 80 с.

<sup>44</sup> (Ўзбекистон Республикаси Олий Кенгашининг Ахборотномаси, 1995 й., 2-сон; Ўзбекистон Республикаси Олий Мажлисининг Ахборотномаси, 1995 й., 12-сон, 269-модда; 1997 й., 2-сон, 56-модда, 9-сон, 241-модда; 1998 й., 5-6-сон, 102-модда, 9-сон, 181-модда; 1999 й., 1-сон, 20-модда, 5-сон, 124-модда, 9-сон, 229-модда; 2000 й., 5-6-сон, 153-модда, 7-8-сон, 217-модда; 2001 й., 1-2-сон, 11-модда, 23-модда, 9-10-сон, 165-модда, 182-модда; 2002 й., 9-сон, 165-модда; 2003 й., 5-сон, 67-модда; 2004 й., 1-2-сон, 18-модда; 2007 й., 6-сон, 248-модда, 249-модда; 2012 й., 38-сон, 433-модда, Ўзбекистон Республикаси қонун хужжатлари тўплами, 2004 й., 37-сон, 408-модда; 2005 й., 52-сон, 385-модда; 2006 й., 25-26-сон, 226-модда; 2007 й., 17-18-сон, 171-модда, 39-сон, 401-модда, 50-51-сон, 502-модда, 503-модда, 52-сон, 532-модда; 2008 й., 14-15-сон, 84-модда, 94-модда, 37-38-сон, 363-модда, 365-модда, 39-сон, 390-модда, 52-сон, 509-модда, 514-модда; 2009 й., 3-сон, 9-модда, 15-сон, 179-модда, 38-сон, 415-модда, 52-сон, 552-модда, 553-модда; 2010 й., 22-сон, 174-модда, 35-36-сон, 300-модда, 37-сон, 314, 315-моддалар, 39-сон, 340-модда, 52-сон, 509-модда; 2011 й., 16-сон, 161, 162-моддалар; 2011 й., 40-сон, 410-модда; 51-сон, 542-модда; 2012 й., 1-сон, 3-модда, 38-сон, 433-модда; 2013 й., 1-сон, 1-модда; 2014 й., 36-сон, 452-модда; 2015 й., 32-сон, 425-модда; 33-сон, 439-модда, 52-сон, 645-модда; 2016 й., 17-сон, 173-модда, 39-сон, 457-модда; 2017 й., 1-сон, 1-модда, 13-сон, 194-модда, 24-сон, 487-модда, 36-сон, 943-модда, 37-сон, 978-модда; Қонун хужжатлари маълумотлари миллый базаси, 05.01.2018 й., 03/18/456/0512-сон, 30.01.2018 й., 03/18/463/0634-сон, 05.04.2018 й., 03/18/470/1005-сон, 19.04.2018 й., 03/18/476/1087-сон, 21.07.2018 й., 03/18/485/1552-сон, 24.07.2018 й., 03/18/486/1559-сон, 23.10.2018 й., 03/18/503/2080-сон; 10.01.2019 й., 03/19/514/2450-сон, 16.01.2019 й., 03/19/516/2484-сон, 2019 й., 2-сон, 47-модда, 05.03.2019 й., 03/19/526/2701-сон; 03.05.2019 й., 03/19/534/3046-сон, 24.05.2019 й., 03/19/542/3177-сон, 09.07.2019 й., 03/19/548/3395-сон, 29.08.2019 й., 03/19/558/3662-сон, 05.09.2019 й., 03/19/564/3690-сон, 13.09.2019 й., 03/19/567/3737-сон, 23.10.2019 й., 03/19/572/3943-сон; 06.11.2019 й., 03/19/579/3994-сон; 13.11.2019 й., 03/19/583/4016-сон; 04.12.2019 й., 03/19/586/4106-сон; 07.12.2019 й., 03/19/587/4122-сон; 25.12.2019 й., 03/19/597/4193-сон; 26.03.2020 й., 03/20/613/0362-сон, 15.05.2020 й., 03/20/617/0585-сон, 01.12.2020 й., 03/20/651/1577-сон; 26.12.2020 й., 03/20/658/1670-сон; 13.01.2021 й., 03/21/664/0014-сон; 15.01.2021 й., 03/21/666/0032-сон; 15.01.2021 й., 03/21/667/0035-сон; 13.02.2021 й., 03/21/673/0112-сон; 18.02.2021 й., 03/21/675/0126-сон; Қонунчилик маълумотлари миллый базаси, 21.04.2021 й., 03/21/683/0375-сон, 17.08.2021 й., 03/21/708/0799-сон, 26.08.2021 й., 03/21/711/0825-сон; 17.09.2021 й., 03/21/716/0877-сон, 30.10.2021 й., 03/21/726/1001-сон, 07.12.2021 й., 03/21/735/1141-сон; 16.02.2022 й., 03/22/754/0134-сон; 14.03.2022 й., 03/22/759/0213-сон, 12.04.2022 й., 03/22/762/0290-сон, 24.06.2022 й., 03/22/780/0560-сон)

бөглиқ суд амалиётини умумлаштириш натижаларига кўра, 2021 йилда жами 61.263 нафар шахсга нисбатан 47.657 та жиноят иши кўриб чиқилган бўлиб, ушбу ишларнинг 163 нафар шахсга нисбатан 92 таси юзасидан дастлабки эшитув ўтказилган<sup>45</sup>.

Шуни алоҳида қайд этиш жоизки, янги жорий этилган дастлабки эшитув институтининг қонунда белгиланган назарий асосларида айрим ҳуқуқий бўшликларни кўришимиз мумкин.

Масалан, ЖПКнинг 405<sup>3</sup>-моддасида назарда тутилган барча асослар бўйича тарафларнинг илтимосномасига асосан ёки ўз ташаббуси билан суд дастлабки эшитувни ўтказиш ҳақида ажрим чиқариши қўрсатилган бўлсада, ЖПКда жиноят иши хужжатлари билан танишгандан сўнг тарафларнинг илтимосномалари қачон ва қанча муддатда берилиши ҳақида аниқ қоида мустаҳкамланмаган.

Хусусан, ЖПКнинг 405<sup>3</sup>-моддасида тарафларнинг дастлабки эшитув ўтказиш учун илтимоснома бериш муддатини қонунда аниқ белгилаш мақсадга мувофиқ. Бу эса, келгусида ҳуқуқни қўллаш амалиётида турли хил талқинларнинг олдини олади ва тарафларга мажбурият юкланини келтириб ўтиш мумкин.

Маълумки, жиноят иши бўйича дастлабки эшитув судья томонидан жиноят иши бўйича дастлабки эшитувни тайинлаш тўғрисидаги ажрим чиқарилган пайтдан эътиборан беш суткадан кечиктирмай бошланиши, дастлабки эшитувни ўтказиш давомийлиги эса дастлабки эшитув бошланган кундан эътиборан ўн суткадан ошмаслиги белгиланган.

ЖПКнинг 405<sup>3</sup>-моддаси иккинчи қисми 5-бандига асосан номақбул далилларни ишдан чиқариб ташлаш тўғрисида тарафлардан бирининг илтимоси мавжуд бўлса, ушбу далиллар чиқариб ташланиши белгиланган. Мазкур қоидадан кўринадики, номақбул далилларни жиноят ишидан чиқариш тўғрисида факат тарафлар илтимоснома беришга ҳақли бўлиб, судьяда ушбу ҳуқуқ мавжуд эмас. Лекин, жиноят ишини мазмунан ҳал этишда суд муҳим ўринда бўлганлиги сабабли, жиноят процессуал қонунчиликнинг ушбу қоидасини асосли деб бўлмайди.

Ваҳоланки, ЖПКнинг 74-моддасига кўра, суд далилларга ишнинг барча ҳолатларини жамлаб, уларни суд мажлисида қонунга амал қилган ҳолда ҳар томонлама, тўлиқ ва холис кўриб чиқишига асосланган ўз ички ишончи бўйича баҳо бериши кўрсатилган.

Масалан, жиноят иши хужжатларидан кўринишича, тафтиш тергов харакати Жиноят-процессуал кодекси талаблари бузилган ҳолда

<sup>45</sup> Oliysud.uz/hhtt/www.olrysud.uz

ұтказилған. Бирок, тарафлардан мазкур номақбул далилларни ишдан чиқариб ташлаш бүйіча илтимоснома келиб тушмаган бұлса, ЖПК талабига биноан, суд бу каби ташаббус қилишга ҳақли эмаслиги күринағы. Мазкур ҳолатда дастлабки эшитув ұтказиш учун асос бұлған тақдирда ҳам, уни ұтказувчи субъект илтимосномасынинг мавжуд эмаслиги турли талқинларни келтириб чиқариши табиий албатта.

Юқоридаги асосга кұра, Жиноят-процессуал кодексига суднинг ҳам номақбул далилларни ишдан чиқариб ташлаш бүйіча үз ташаббуси билан дастлабки эшитув ұтказиш ваколатини киритиш мақсадға мувофиқ. Чунки, судья дастлабки эшитувда далиллар ЖПК талаблари асосида мақбуллик шартларига риоя қилингандай қолда олинганилгини исбот қилиш субъекти сифатида баҳо беради.

Ёхуд, жиноят иши бүйіча дастлабки эшитув ұтказиш асосларидан яна бири бу ЖПКнинг 83 ва 84-моддаси биринчи ва бешинчи қисміда назарда тутилған ҳолатлар мавжуд бұлғанда суд жиноят ишини тугатиши ҳақли эканлиги күрсатылған.

Бизга маълумки, дастлабки эшитув жиноят ишини судда мухокама қилиш учун тайёргарлик босқичи бўлиб, мазкур босқичда ЖПКнинг 83-моддасига асосан жиноят ишини тугатиши ноўрин ҳисобланади.

Хуқуқшунос Д.С.Довудованинг фикрича, “дастлабки эшитув жиноят ишини судда мухокама қилиш учун тайёргарлик босқичи ҳисобланади. Бирок, ЖПКнинг 83-моддасига асосан жиноят ишини тугатиши учун дастлаб айблов мазмунан мухокама қилиниши, унинг асослилiği, қонунийлiği текширилиши лозим. Дастлабки эшитув босқичида эса, жиноят иши мазмунан мухокама қилинишга йўл қўйилмайди”<sup>46</sup>.

Ҳақиқатан, дастлабки эшитув босқичида айблов мазмунан мухокама қилиниши, унинг асослилiği, қонунийлiği текширилиши лозим.

Фикримизча, дастлабки эшитув босқичи суд мухокамасига тайёргарлик босқичи бўлганлиги сабабли ундан жиноят ишини реабилитация асосларига кўра тугатиши чиқариш лозим.

Дастлабки эшитув институти ривожланған хорижий мамлакатлар Россия, Белорусия, АҚШ, Европа давлатларидан (Германия, Франция, Буюк Британия, Италия, Испания)да жорий этилган бўлиб, бугунги кунда үзининг ижобий самарасини кўрсатмоқда.

Хуқуқшунос С.М.Рахмонованинг фикрича англо-саксон ҳуқуқ тизимида намуна сифатида дастлабки эшитув (preliminary hearing)нинг классик шакли Буюк Британияда вужудга келган. Жумладан, айблов акти асосида таъқиб

<sup>46</sup> Д.С.Довудова “PRELIMINARY HEARING OF CRIMINAL CASES: FEATURES, ISSUES AND NEED FOR IMPROVEMENT”. International Journal Of Law And Criminology. (ISSN – 2771-2214) VOLUME 02 ISSUE 08 Pages: 19-24.

этиладиган жиноятлар тұғрисидаги ишлар юзасидан дастлабки эшитув магистрат судья томонидан олиб борилади. Бунда судья судланувчининг айбдорлиги масаласига тұхталмасдан, айнан мазкур шахс томонидан жиноят содир этилганлигини тасдиқловчи етарли далиллар тұгланганлиги; барча далиллар мақбуллиги, яни ҳуқук нормаларининг бузилиши натижасида олинмаганлиги тұғрисида дастлабки хulosага келади<sup>47</sup>.

АҚШда дастлабки эшитув билан боғлиқ ижтимоий муносабатлар асосан (ижтимоий хавфи катта, оғир) жиноятлар бүйича үтказилса, Испанияда ижтимоий хавфи катта бұлмаган, унча оғир бұлмаган жиноят ишлари бүйича дастлабки эшитув үтказилади.

МДХ давлатларида дастлабки эшитув институти турлича номлар билан аталсада, мазкур институттинг фундаментал асослари бир бирига үхшашлигини күришимиз мүмкін.

Юқоридагиларга күра, қонун хужжатларида белгиланған дастлабки эшитув институти билан боғлиқ назарий ҳукуқий асослар амалиёт билан чамбарчас боғлиқ бұлиши ҳамда жойларда ҳукуқни құллаш ягона амалиёти үрнатилиши даркор.

### **ФОЙДАЛАНИЛГАН АДАБИЁТЛАР РҰЙХАТИ:**

1. Уголовный процесс: учебник / А.В.Смирнов, К.Б.Калиновский; под общ.ред. А.В.Смирнова. -7-е изд., перераб. -М.: Норма: ИНФРА-М, 2019. - С 544.

2. С.М.Рахмонова. Предварительное слушание дела как форма назначения дела к судебному разбирательству/ Диссертация на соискание ученой степени доктора юридических наук. -Т. 2018. - 238 Б.

3.[http://www.consultant.ru/document/cons\\_doc\\_LAW\\_34481/36f2e6da2a91b60b1dc4cc13abd5d3c2c389e9ed/](http://www.consultant.ru/document/cons_doc_LAW_34481/36f2e6da2a91b60b1dc4cc13abd5d3c2c389e9ed/).

4. Д.С.Довудова “PRELIMINARY HEARING OF CRIMINAL CASES: FEATURES, ISSUES AND NEED FOR IMPROVEMENT”. International Journal Of Law And Criminology. (ISSN – 2771-2214) VOLUME 02 ISSUE 08 Pages: 19-24.

<sup>47</sup> С.М.Рахмонова, “Предварительное слушание дела как форма назначения дела к судебному разбирательству”. Диссертация на соискание ученой степени доктора юридических наук. – Т: 2018 ., -289 ст.